


那先經



四百卅二  
驚馬十

5-1024



那先經卷中十

失譯



驚

王問人更樂者為善耶不善也人更苦為善耶為不善也佛得無不說有樂或有苦王言如使有為無有苦

那先問王言如人燒鐵著手中寧燒復取冰著手中其冰寧復燒人手不兩手皆威也那先問王言如是兩手中物皆熱耶王言不兩熱那先言兩冷耶王言不兩冷也那先言兩手中皆燒那先言我重問王王前後



兩熱當言兩熱兩冷當言兩冷何緣一冷一熱能同言燒人手乎王言智慮甚淺近不能及是難也願那先為我解之

那先言佛經說之凡有六事令人內喜有六事令人內愁復有六事令人不喜亦不愁外復有六事令人愁

王問何等為六事令人內喜那先言一者目有所視復有所望是故令人內喜二者耳聞好聲復有所望是故令人內喜三者鼻聞好香復有所望是故令人內喜四者舌得美味復有所望是故令人內喜五者身得細滑復有所望是故令人內喜六者心得樂受復有

所望是故今人內喜如是六事今人內喜  
王復問何等爲外六事今人喜那先言一者  
眼見好色念之不可常得皆當棄捐便自思  
惟審然無常是故今人外喜二者耳聞好聲  
念之不可常得皆當棄捐是故今人外喜三  
者鼻聞好香念之不可常得皆當棄捐是故  
今人外喜四者口得美味念之不可常得皆  
當棄捐是故今人外喜五者身得細滑念之  
不可常得皆當棄捐是故今人外喜六者心  
念愛欲思惟念之是皆無常皆當捐棄念之  
是以後更喜是爲六事今人外喜  
王復問何等爲內六事今人內愁那先言一

者今人內愁者目所不喜而見之今人內愁  
二者耳不所欲聞而聞之今人內愁三者鼻  
不欲所臭而臭之今人內愁四者口不欲所  
得而得之今人內愁五者身不欲所著而著  
之今人內愁六者心不欲所喜而有之今人  
內愁是為六事今人內愁

王復問何等為外六事今人不喜那先言一  
者目見惡色今人不喜二者耳聞惡聲今人  
不喜三者鼻聞臭腥今人不喜四者舌得苦  
辛今人不喜五者身著麤堅今人不喜六者  
心有所憎今人不喜是為外六事今人不喜  
王復問何等為六事今人不愁亦不喜那先

言一者目有所見亦不喜不愁二者耳有所  
聞音亦不喜亦不愁三者鼻有所臭亦不喜  
亦不愁四者口有所得亦不喜亦不愁五者  
身有所觸亦不喜亦不愁六者心有所念亦  
不喜亦不愁是爲內六事令人不喜不愁  
王復問何等爲外六事令人愁者那先言一  
者目所見死者因自念身及萬物無常其人  
自念言我有是念何以不得道因外愁二者  
耳不樂好音其人自念言我有是念何以不  
得道因外愁三者鼻不喜臭香其人自念言  
我有是念何以不得道因外愁四者口不味  
苦甜其人自念言我有是念何以不得道因外

愁五者身不好細滑亦不得麤堅其人自念  
言我有是念何以不得道因外愁六者心不  
喜愛欲其人自念言我有是念何以不得道  
因外愁是爲六事令人外愁王言善哉善哉  
王復問那先人以死後誰於後世生者那先  
言名與身於後世生王問那先故人名身行  
生耶那先言不也非故名亦非故身持是名  
身於今世作善惡乃於後世生耳王言如使  
今世用是名身作善惡於後世身不復生者  
極可作善惡徑可得脫不復更諸苦耶那先  
言於今世作善後世不復生者便可得脫無  
耶人作善惡不止當後生耳是故不得脫



那先言譬如人盜他人果菰其主得盜果者  
將至王前白言是人盜我果其盜者言我不  
盜是人果是人所種小栽耳本不種果也我  
自取果我何用爲盜我不盜是人果我不應  
有罪過那先問王言如是兩人共爭誰爲直  
者誰不直者王言種栽家爲直本造所種盜  
者無狀應爲有罪那先言盜何用爲有罪王  
言所以盜者有罪本種栽家所種從栽根生  
故上有果耳那先言人生亦譬如是人今世  
用是名身作善惡乃生於後世今世作善惡  
者是本也

那先言譬如人盜他人禾穡其主得盜便牽

問之汝盜我禾穞爲盜者言我不盜卿禾穞  
卿自種禾我自取穞我何用爲犯盜兩人相  
牽至王前白如是誰爲直者誰爲不直王言  
種禾穀爲直盜者爲不直那先言何以知盜  
禾穞者爲不直王言是種禾者爲本有不種  
禾者爲無緣何有穞那先言人生亦譬如  
是

前  
用  
先  
言  
老  
口

人今世用是名身作善惡乃生於後世今世  
作善惡者是其本也

那先言譬如人冬寒於一舍中然火欲自溫  
灸其人棄火而去稍稍然及壁土燒屋連及  
樓舍舍主因言起火者牽至王前白言是人  
起火延及燒我樓舍然火者言我然小火自

温炙耳我不燒樓舍那先問王誰爲直者王  
言本然火者爲不直本所生也那先言人生  
亦尔譬如人今世用是名身作善惡乃生於  
後世今世作善惡者是本也

那先言譬如人夜然燭火著壁欲用自照飯  
食燭稍却及壁上及竹木林材便燒一舍火  
大熾延及燒一城中舉城中人民共囑言汝  
何爲燒一城中乃如是然火者言我但然小  
燭火以自照飯食耳是自大火非我火也如  
是便共爭訟相牽至王前那先問王言如是  
誰爲直者誰爲不直者王言然火者爲不直  
那先言何以知王言本是火所生也汝飯食

已不當滅火也而令火燒一城中那先言人生亦譬如如是人今世用是名身作善惡乃生於後世今世作善惡者是其本也人用不知作善惡故不能得度脫

那先言譬如人以錢娉求人家小女以後女長大他人復更求娉求女得女以爲婦前所娉家來自說言汝反取婦爲後家言汝自小時娉女我自大時娉婦我何用爲嬰汝婦耶便相牽詣王前那先言王如是誰爲直者誰爲不直者王言前娉家爲直那先言王何以知王言是女本小今稍長大是故知爲直也是前娉家婦也那先言人生亦譬如如是人今

世用是名身作善惡乃生於後世今世作善  
惡者是其本也

那先言譬如人持瓶從牧牛家買乳澆得澆  
已復還寄其王言我今還不久其人須臾來  
還取瓶澆澆以轉作酪買澆家言我持澆寄  
卿今反持酪還我牧牛者言是汝故乳今自  
轉爲酪兩人因共爭訟相牽詣王前那先問  
王言如是誰爲直者王言牧牛家爲直那先  
言王何以知王言汝自買澆停置地自轉成  
酪牧牛家當有何過那先言人生亦譬如  
是人今世用是名身作善惡乃生於後世今世  
作善惡者是其本也

王復問今那先當復於後世生耶那先報王  
言用是爲問我前說已如使我有恩愛者後  
世當復生如使我無恩愛者不復生那先言  
譬如人竭力事王王當知其善使賜其財物  
其人得物極自施用衣被飲食歡樂自樂其  
人論議言我有功於王王未曾有賞賜我也  
那先問王如彼人得賞賜反言未曾得其人  
語寧可用不王言其人語不可用那先言是  
故我語王言如使我有恩愛者當復於後世  
生如使我無恩愛者不復於後世生王言善  
哉善哉

王問那先言卿前所說人名與身何等爲名

何等爲身者那先言今見在爲身心所念者  
爲名王復問人何故有名行於後世生而身  
不行生那先言人身以名前後相連譬如鷄  
子中汁及與上皮乃成鷄子人名與身相連  
如是不分也王言善哉

王復問那先何等爲父者那先言以過去事  
爲父當來事亦爲父見在事爲無有父王言  
善哉王復問那先言審爲有父不那先言或  
有父或無有父王復言何等爲有父何等爲  
無有父那先言其得道泥洹者爲無父未得  
道當復更死生者爲有父人於今世好布施  
孝於父母於當來世當得其福王言善哉善哉

王復問那先言諸以過去事當來事今現在  
事是三事何所爲本者那先言已過去事當  
來事今現在事愚癡者是其本也愚癡生即  
生神神生身身生名名生色色生六知一爲  
眼知二爲耳知三爲鼻知四爲口知五爲身  
知六爲心知是爲六知是六事皆外向何等  
爲外向眼向色耳向聲鼻向香口向味身向  
滑心向貪欲是爲六外向名爲沛沛者合沛  
者知苦知樂從苦樂生恩愛從恩愛生貪欲  
從貪欲生有致使生因老從老因病從病因  
死從死因哭從哭因憂從憂因內心痛凡合  
是諸勤苦合名爲人人以是故生死無有絕



時人故本身不可得也

那先言譬如人種五穀生根從根生莖葉實  
至後得穀已後年復種得穀甚多那先問王  
如人種穀歲歲種穀寧有絕不生時不王言  
歲歲種穀無有絕不生時也那先言人生亦  
如是展轉相生無有絕時

那先言譬如鷄生卵卵生鷄從卵生卵從鷄  
生鷄人生死亦如是無有絕時

那先便盡地作車輪問王言今是輪寧有角  
無王言正圓無有角那先言佛經說人生死  
如車輪展轉相生無有絕時

那先言人從眼萬物色識即覺知是三事合

從合生苦樂從苦樂生恩愛從恩愛生貪欲  
從貪欲生因有致從有致因生從生因作善  
惡從善惡便生

耳聞聲識即覺知三事合從合生苦樂從苦  
樂生恩愛從恩愛生貪欲從貪欲生因有致  
從有致因生從因生作善惡從善惡便生

鼻聞香識即覺知三事合從合生苦樂從苦  
樂生恩愛從恩愛生貪欲從貪欲生因有致  
從有致因生從生因作善惡從善惡便生

口得味識即覺知三事合從合生苦樂從苦  
樂生恩愛從恩愛生貪欲從貪欲生因有致  
從有致因生從因生作善惡從善惡便生

身得細滑識即識知三事合從合生苦樂從  
苦樂生恩愛從恩愛生貪欲從貪欲生因有  
致從有致因生從生因作善惡從善惡便生  
意有所念識即覺知三事合從合生苦樂從  
苦樂生恩愛從恩愛生貪欲從貪欲生因有  
致從有致因生從生因作善惡從善惡便生  
那先言人展轉相生無有絕王言善哉

王復問那先卿言人生死不可得本不可得  
本意云何那先言有本者當不復生有本者  
當復過去用是爲本王言無本者當不復生  
見有本者當過去如是本爲未絕耶那先言  
然皆當過去

王復問那先人生死寧有從旁增益者不那  
先問王言世間人及蚊行蠕動之類寧有從  
旁增益者不王言我不問那先世間人及蚊  
行蠕動之類我但欲問卿人生死本耳

那先言樹木生以栽爲本五穀生以穀爲本

天下萬物皆各以其類本生人從六情恩愛

爲本

那先言人有眼有色有識有耳有聲有識有  
鼻有香有識有舌有味有識有身有細滑有  
識有念有法有識從是生苦樂從苦樂生恩  
愛從恩愛生貪欲從貪欲生合是諸苦乃成  
爲人耳眼耳鼻口身神識念使有致共合爲

沛從沛生苦樂從苦樂生恩愛從恩愛生貪  
欲從貪欲因生有致從有致因生從生因老  
因病從病因死因憂從憂因哭從哭因內心  
痛人生如是

那先言無眼不見色不覺不知從不覺不知  
無有合無有合無有苦樂無有苦樂便不生  
恩愛無恩愛不生貪欲無貪欲無有致無有  
致不生不老不生不老不病不死不病不死  
不愁不哭不愁不哭不內心痛無是諸苦便  
度脫得泥洹道無耳無所聞無鼻無所臭無  
口無所味無身無細滑無識無所念無所念  
無沛無沛無苦樂無苦樂無恩愛無恩愛無

貪欲無貪欲無胞胎無所胞胎無所生不生不老不老不病不病不死不死不愁不愁不哭不哭不內心痛捐棄諸苦便得泥洹道王言善哉

王復問那先言世間寧有自然生物無那先言無有自然生物皆當有所因那先因問王今王所坐殿有人功夫作之耶自然生乎王言人功作之材椽出於樹木垣牆泥土出於地那先言人生亦如是界如和合乃成爲人是故無自然生物也皆有所因那先言譬如窯家作器取土水和以爲泥燒作雜器物其泥不能自成爲器會當須人工

有薪火乃成爲器耳世間無有自然生者也  
那先語王言譬如箜篌無弦無柱無人鼓者  
寧能作聲不王言不能自作聲那先言如使  
箜篌有弦有柱有人工鼓者其聲寧出不王  
言有聲那先言如是天下無自然生物皆當  
有所因

那先問王如鑽火燧無兩木無人鑽者寧能  
得火不王言不能得火那先言設有兩木有  
人鑽之寧能生火不王言然即生火那先言  
天下無有自然生物皆當有所因

那先問王言譬如陽燄鈎無人持之亦無日  
無天寧能得火那先言如陽燄有人持之有

天有日寧能得火不王言得火那先言天下  
無有自然生物皆當有因

那先問王言若人無鏡無明人欲自照寧能  
自見其形不王言不能自見那先言如有有  
鏡有明有人自照寧能自見形不王言然即  
能自見那先言天下無有自然生物皆有所  
因王言善哉

王復問那先世間人寧爲有人無那先言世  
間不能審有人也適當呼誰爲人王言身中  
命即爲人不那先問王人身中命能用眼視  
色不能用耳聽音聲不能用鼻聞香不能用  
舌知味不能用身知細滑不能用意有所知



不王言能

那先言今我與王其於殿上四面有牕自在  
欲從何牕者寧能見不王言得見

那先言設令人命在身中自在欲從何孔視  
耳能以眼視色不能用耳視色不能用鼻視  
色不能用口視色不能用身視色不能用意  
視色不王言不能

那先言設今命在耳能以耳有所聞不能以  
耳有所見不能以耳知香臭不能以耳知味  
不能以耳知細滑不能以耳有所念不  
那先言設今命在鼻能以鼻知香臭不能以  
鼻聞音聲不能以鼻知味不能以鼻知細滑

不能以鼻有所念不

那先言設令命在口能以口知味不能以口有所見不能以口聽音聲不能以口聞鼻香不能以口知細滑不能以口有所念不

那先言設令命在身中能以身知細滑不能以身有所見不能以身聽音聲不能以身知臭香不能以身知味不能以身有所念不

那先言設令命在識能以識有所念不能以識聽音聲不能以識知臭香不能以識知味不能以識知細滑不王言不能知也那先言王所語前後不相副

那先言如我與王共在殿上坐徹壞四牕者

視寧廣遠不王言然廣遠

那先言設令命在身中捌眼去之其視寧廣  
遠不使耳令大其聽寧能遠不使鼻令大聞  
香寧能遠不使口令大知味寧能多不副剥  
皮膚知細滑寧多不使判去意其令寧大不  
王言不也那先言王亦語前後不相副

那先問王言王持藏人來入在王前住王寧  
覺知在前住不王言知在前

那先言持藏者却入王室寧知入室不王言  
知入室也

那先言設令人命在身中人持味著口中能  
知活醋酸鹹辛苦王言知之那先言王所語

前後不相副也

那先言如人沽美酒者大器中急塞一人口  
倒置酒中令嘗酒其人寧知酒味不王言其  
人不知那先言何以故不知味王言未入口  
到舌上故不知味那先言王所語前後不相  
副王言我愚癡智未及是難願相解之

那先言人從眼見色神動神動即生苦樂意  
念合耳鼻口身意皆同合為意有所念神動  
神動即生苦樂從苦樂生意從生念展轉相  
成適無常主王言善哉

王復問那先人生眼時眼與神俱生耶那先  
言然同時俱生王復問眼居前生耶神居前

生耶那先言眼居前生神居後生王言眼語  
神言我所行生處汝當隨我後生相語言兩  
耶神語眼言汝所生處我當隨汝後生兩相  
語不那先言兩不相與語王言卿不言同時  
俱生何以故不相語那先言有四事俱不相  
語那先自言何等四一為下行二為向門三  
為行轍四者為數是四事俱不相語  
王復問何等為下行者那先報王言高山上  
天雨其水隨流當如何行王言下行那先言  
後復天雨其水流當復如何行王言當隨前  
流水處行那先問王言前水寧語後水言汝  
當隨我後來後水寧語前水言我當隨汝處

流行前水後水相語言亦不王言水流各自  
行前後不相語也那先言眼亦如水眼不語  
神言汝當隨我後生神亦不語眼言我當隨  
汝後行生也眼與神俱不相語也是名為下  
行耳目鼻口身意亦亦

王復問何等為向門者那先言譬言如大城都

蓋

那先言

言

如

有一門其中有一人欲出當從何向王言當  
從門出耳那先言後復有一人欲出當復從  
何向出王言故當從前一人門出耳那先言  
王前出人寧語後人言汝當隨我後出後人  
寧語前人言我當隨卿所從門出兩人寧相  
語言亦不王言前人後人俱不相語也那先

言眼亦如門眼不語神言汝當隨我後生神亦不語眼言我今當隨汝後生眼與神俱不相語也是爲向門耳鼻口身意亦尔

王復問那先言何等爲轍行者那先問王言前車行有轍後車行當從何所行王言後車當從前車轍中行那先言前車輪寧語後輪言汝當隨我處從後來後輪車寧語前輪我當隨汝處行寧相語言尔不王言俱不相語也那先言人亦如是眼不語神我所生處汝當隨我生神亦不語眼我當隨卿後生那先言耳鼻口身神俱不相語

王復問那先何等爲數那先言數者校計也

書疏學問是爲數耳目鼻口身神稍稍習知  
共合是六事乃爲有所知不從一事有所知  
也王言善哉

王復問那先言人目生時與苦樂俱生不那  
先言目與苦樂俱生皆根從合生王復言何  
等爲合者那先言兩相觸爲合合者譬如兩  
羊相拄是爲合一羊如目一羊如色合爲名  
沛譬如一手爲目一手爲色兩手合爲沛譬  
如兩石一石爲目一石爲色兩石合爲沛耳  
目鼻身神皆同合爲沛譬如兩石一石如神  
一石如志兩石合爲沛神志合如是是名爲  
沛王言善哉



王復問那先樂何等類那先言自覺知爲樂  
那先言譬若人事國王其人賢善王賜與財  
物其人得之用自快樂在所欲爲其人自念  
我事王得賞賜今得樂樂如是那先言譬如  
人心念善口言善身行善行善如是死後得  
生天上其人於天上極意自娛樂自念言我  
在世間時心念善口言善身行善是故我自  
致生此間得樂甚樂是爲覺王言善哉  
王復問那先何等爲覺者那先言從知爲覺  
譬如王有持藏者入藏室中自視室中自知  
有若干錢金銀珠玉繒帛雜香色皆知雜處  
是爲覺知王言善哉

王復問那先言人有所念何等類那先言人有所念因有所作譬如人和毒藥自飲亦復行飲人身自苦亦復苦他人身那先言譬如人作惡死後當入泥犁中諸所教者皆入泥犁中惡人有所念所作言如是王言善哉

王復問那先言何等為內動者那先言志念內便動王言動行時云何那先言譬如銅銷銅釜有人往燒之其器有聲舉手有餘音而行人如是志動念因行那先言燒時為動有餘音為行王言善哉

王復問那先言能合取分別之不是為合是為智是為念是為意是為動那先言假令以

合不可復分別也那先言王使宰人作羹羹  
中有水有肉有葱蒜有薑有鹽豉有糯王勅  
廚下人言所作羹羹如前取羹中水味來次  
取肉味來次取葱味來次取薑味來次取鹽  
豉味來次取糯味來羹以成人寧能一一取

羹味與王那狂結信漢一合久後不能一一別

味也那先言諸事亦如是一合不可別也是  
為苦樂是為智是為動是為念王言善哉善  
哉

王復問那先言人持目視鹽味寧可別知不  
那先言王知乃如是耶能持目視知鹽味王  
言目不知鹽味耶那先言人持舌能知鹽味

取不能以目知鹽味也王復言人用舌知味  
去那先言人皆用舌別知味王言諸鹽味皆  
當用舌別知耶那先言然諸鹽味皆當用舌  
別知耳王復問那先言車載鹽牛軛鹽車牛  
寧能別知鹽味不那先言車牛不能別知知  
鹽味也王問那先言鹽味寧可稱不那先言  
王智乃尔能稱鹽味王問那先言鹽味不可  
稱也其輕重可稱耳王言善哉

王復問那先凡人身中五知作衆事所成耶  
作一事成五知耶那先言作衆事所成非一  
事所成也譬如一地五穀當生時各各自生  
動類人身中五事皆用衆事各所生王言善

哉善哉

王復問那先世間人頭額髮膚面目耳鼻口  
身體四支手足皆完具何故中有壽命長者  
中有短命者有多病者中有少病者中有貧  
者中有富者中有貴者中有賤者中有大士  
者中有小士者中有端正者中有醜者中有  
爲人所信者中有爲人所疑者中有明孝者  
中有愚者何故不同那先言譬如諸樹木菓  
衆中有醋不甜者中有苦者中有辛者中有  
甜者中有正醋者那先問王言是皆樹木何  
故不同王言所以不同者其栽各自異那先  
言人亦如是心所念者各各異是故今世間

人不同耳中有短命者中有長命者中有多  
病者中有少病者中有富者中有貧者中有  
貴者中有賤者中有大士者中有小士者中  
有端正者中有醜者中有語用者中有語不  
用者中有明者中有愚者那先言是故佛所  
言隨其人作善惡自當得之中有豪貴者中  
有貧窮者皆是前世宿命世作善惡各自隨  
其復得之王言善哉善哉

王復問那先言人有欲作善者當前作之耶  
當後作之乎那先言當居前作之在後作之  
不能益人也居前作者有益於人那先問王  
言王渴欲飲時使人掘地作井能赴王渴不

王言不赴渴也當居前作井耳那先言人亦  
如是人所居皆當居前在後作者無益也那  
先問王王飢時乃使人耕地糞地種穀飢寧  
用飯耶當豫有儲王言不也當先有儲貯那  
先言人亦如是當先作善有無乃作善者無  
益身也那先問王譬如王有怨當臨時出戰  
鬪王能使人教焉教象教人作戰鬪具乎王  
言不也當宿有儲貯臨時使可戰鬪臨時教  
馬教象教人無益也那先言佛經說言人當  
先自念身作善在後作善無益也那先言王  
莫棄大道就邪道無効愚人棄善作惡後坐  
啼哭無所益也人家棄捐忠正就於不正臨

死時悔在後王言善哉善哉  
王復問那先鄉曹諸沙門言世間火不如泥  
犁中火熱也鄉曹復言持小石著世間火中  
至暮不消也鄉曹復言極取大石著泥犁中  
中即消盡是故我不信也鄉曹復言人作惡  
死在泥犁中數千萬歲其人不消死是故我  
重不信是語也那先問王王寧聞見水中有  
雌麟雌蛟雌鼈北佳懷子以沙石爲食不王  
言然皆以是爲食那先問王沙石在腹中寧  
消不王言然皆消那先言其腹中懷子寧復  
消不王言不消也那先言何以故不消王言  
相祿獨當然故不消那先言泥犁中人亦如



是數千萬歲不消死者其所作罪過未盡故不消死

那先問王言雌師子雌虎雌狗雌貓懷子皆

肉食噉骨入腹中時寧消不王言皆消盡那

先問王言其腹懷子寧復消不王言不消也

那先言用何故不消王言獨用裸相故不消

也那先言泥犁中入亦如是數千萬歲不消

死者泥犁中人所作過惡未解故不消死

那先問王言雌牛雌馬雌驢雌麋雌鹿懷子

皆食草芻為食不王言然皆以是為食那先

言其芻草寧於腸中消盡不王言皆消盡那

先言其腸中子寧消盡不王言不消盡也那

先言何故不消盡王言獨以相祿當然故使  
不消盡那先言泥犁中人亦如是是罪過未  
盡故不消死

那先問王言夫人及長者富家女飲食皆美  
恣意食食於腹中寧消不王言皆消那先問  
王言腹中懷子寧消不王言不消也那先言  
何以故不消王言獨相祿故使不消也那先  
言泥犁中人亦如是所以數千歲不消死者  
用先世作惡故未解故不消死那先言人在  
泥犁中長在泥犁中老過盡乃當死王言善  
哉王復問那先知曹猪沙門言天下地皆在  
水上水在天上風在空中我不信是也那先便

前取王書水適以三指撮舉之問王言是中  
水爲風所持不王言然爲風所持那先言風  
持水亦如是王言善哉

王復問那先言泥洹道皆過去無所復有耶  
那先言泥洹道無所復有也那先言愚癡之  
人徑來索內外身愛坐是故不能得度脫於  
老病死那先言智者學道人內外身不著也  
人無有恩愛無有恩愛者無貪欲無貪欲者  
無有胞胎無有胞胎者不生不老不生不老  
不病不死不病不憂不哭不憂不哭不內心  
痛便得泥洹道王言善哉

王復問那先言諸學道者悉能得泥洹道不

那先言不能悉得泥洹道也正向善道者學  
知正事當所奉行者奉行之不當奉行者遠  
棄之當所念者念不當所念者棄之人如是  
者得泥洹道王言善哉

王復問那先人不得泥洹道者寧知泥洹道  
為快不那先言然雖未得泥洹道由知泥洹  
道為快也王言人未得泥洹道者何以知為  
快耶那先問王言人生未當截手足為痛處  
王言人雖未嘗更截手足由知為痛也那先  
言何用知為痛也王言其人截手足時呻吟  
用是知為痛那先言人亦如是前得泥洹道  
者轉相語泥洹道快用是故傳之王言善哉

王復問那先那先寧曾見佛不那先言未曾  
見也王言那先諸師寧曾見佛不那先言諸  
師亦不見佛也如使那先及諸師不見佛者  
定為無有佛也那先問王言王見五百水所  
合聚處不王言我不見也那先言王父及太  
父皆見是水不王言皆不見也那先言王父  
及太父皆不見此五百水合聚處天下定為  
無此五百水所聚處耶王言雖我父及太父  
皆不見此水者實有此水那先言雖我諸師  
不見佛者其實有佛王言善哉

卷

那先經卷中

十六末

三

那先經卷中 十

驚

𩚑 許救甜徒添徑古定 𩚑 𩚑 果采 𩚑 下音 沛

普蓋 蚊 渠支 蠕 同音 軟 材 椽 下直 窠家 上音 鑽

反子 官 火 燧 遂 下音 捌 眼 上音 行 徹 直下 正 轍 相 扞

下音 底 繒 帛 上疾 銷 呼玄 葱 蒜 下音 鹽 豉 上

正作 解 奴 卧 牛 軛 下音 厄 儲 除 雌 其 下 合

字 義 反 作 糲 反 奴 卧 牛 軛 同前 厄 儲 除 雌 其 下 合

庚 反 莫 蟹 反 胡 買 麋 眉 草 芎 昌 俱 反 作 芻 皆 撮 活 下 七

呻 呼 下 上 火 故 反 正 呻 音 申

呻 呼 下 上 火 故 反 正 呻 音 申

呻 呼 下 上 火 故 反 正 呻 音 申

呻 呼 下 上 火 故 反 正 呻 音 申

呻 呼 下 上 火 故 反 正 呻 音 申

